



Մ Ա Յ Ր Ա Թ Ո Ռ Ո Ւ Մ

Մայիսի 19-ին՝ ուրբաթ օրը, Սփյուռքահայության հետ մշակութային կապի կոմիտեի հանձնարարությամբ տեղի ունեցավ կոմիտեի վարչության երրորդ պլենումը:

Ներկա էին կոմիտեի վարչության անդամները, մամուլի և մտավորականության ներկայացուցիչներ, արվեստագետներ, հասարակական գործիչներ:

Պլենումին ներկա էր նաև ու ելույթ ունեցավ Ամենայն Հայոց Հայրապետ Վաղգեն Առաջինը, որն իր ելույթում ասաց.

«Իմ անկեղծ խոսքն ու գնահատանքն եմ հայտնում զեպի այն մեծ գործը, որ սկսեց Սփյուռքահայության հետ մշակութային կապի կոմիտեն երեք տարի առաջ և քաջ առ քաջ առաջ ընթացավ: Լայն հորիզոն է բացվում հայրենիքի և սփյուռքի մեր եղբայրների, քույրերի կապերի ամրապնդման ճանապարհին: Պետք է շնորհակալություն հայտնենք Հայաստանի կառավարությանը, որ հնարավորություն ստեղծեց նման կազմակերպության ծնունդ առնելուն: Շատ ուրախ եմ տեսնելով կոմիտեի արձանագրած հաջողությունները: Վստահ եմ, որ նա է՛լ ավելի կծավալի իր ազգաշեն գործունեությունը: Բոլորի մեկ հիմնական նպատակն է՝ հնարավորին չափ հայ պահել արտասահմանի հայությունը և շատերին փրկել ուժացման ճանապարհից: Ընդունեցեք լավագույն մաղթանքներս»:

Մայիսի 21-ին՝ կիրակի.—«Սկիզբն Յարութեան Կիրակէից: Յիշատակ Եղիայի մարգարէին»:

Մայիս տաճարում ս. պատարագ մատուցեց արժ. տ. Հակոբ քհն. Հակոբյանը:

Մայիսի 22-ին՝ երկուշաբթի.—«Տօն Սրբոց Կուսանացն Հռիփսիմեանց»:

Օրվա տոնի առթիվ հանդիսավոր ս. պատարագ մատուց-

վեց ս. Հռիփսիմի տաճարում: Պատարագեց և քարոզեց վանահայր տ. Պողոս վրդ. Նշանյանը՝ «Անձինք նուիրեալք սիրոյն Քրիստոսի» բնաբանով:

Հավարտ ս. պատարագի կատարվեց հոգեհանգստյան հատուկ արարողություն՝ ս. Հռիփսիմի տաճարի վերանորոգության բարերարներ Երվանդ Հյուսիսյանի և Օննիկ՝ Մանուկյանի ծնողաց և հանգուցյալ հարազատների հիշատակին:

Մայիսի 23-ին՝ երեքշաբթի.—«Տօն Սրբոց Կուսանացն Գայիանեանց»:

Օրվա տոնին ս. Հռիփսիմի տաճարում պատարագ մատուցեց արժ. տ. Հովհաննես քհն. Մարությանը:

Մայիսի 25-ին՝ հինգշաբթի.—«Տօն սրբոց Յովհաննու Կարապետին և Աթանազիոսեայ Եպիսկոպոսին»:

Ս. Շողակաթի տաճարում պատարագեց արժ. տ. Նշան քհն. Բեյլերյանը:

Հավարտ ս. պատարագի կատարվեց հոգեհանգստյան հատուկ արարողություն՝ տաճարի նորոգության բարերար, տեր և տիկին Մուրեն և Շաքի Գալենտերյանների ծնողների հիշատակին:

Մայիսի 25-ին՝ հինգշաբթի.—Այսօր երկուշաբթի ժամը 6-ին, Վեհափառ Հայրապետի նախագահության ներքո, գումարվեց Գերագույն հոգևոր խորհրդի լիակատար նիստ, որին մասնակցում էին նաև զեր. տ. Սերովբե արքեպ. Մանուկյանը և Գերագույն հոգևոր խորհրդի ամբողջ կազմը՝ նորընտիր անդամներով: Ն. Ս. Օծությունը Գերագույն հոգևոր խորհրդի կազմը համալրեց նոր անդամներով՝ հրավիրելով Հյուսիսային Կովկասի հայոց թեմի առաջնորդ տ. Պարգե Եպս. Գեորգյանին, Երևանի գրականության թանգարանի տնօրեն Սարգիս Մելիքեթյանին և գրակա-

նազեա Հովհաննէս Թովուղյանին՝ անդամակցելու Գերագույն հոգեւոր խորհրդին:

Նիստը բացելով, վեհափառ Հայրապետը ողջունեց նորընտիր անդամների ներկայութիւնը՝ մաղթելով նրանց հաջողութիւն:

Վերջում դեր. տ. Պարգե եպիսկոպոսը, նախագահ Ս. Մելիքսեթյանը և Հովհաննէս Թովուղյանը շնորհակալութիւն հայտնեցին վեհափառ Հայրապետին՝ իրենց հանդեպ ցույց տրված բարձր վստահութեան համար, և խոստացան յուրովսանն աշխատել Մայր Աթոռ ս. Էջմիածնի և հայ եկեղեցու պայծառութեան համար:

Մայիսի 27-ին՝ շաբաթ.—«Տօն Սրբոյն Գրիգորի Լուսաւորչին մերոյ ելն ի վիրապէն»։ Մայր տաճարում պատարագեց հոգ. տ. Մուշեղ վրդ. Պետիկյանը և քարոզեց ս. Գրիգոր Լուսավորչի կյանքի և գործունեության մասին:

Այսօր երեկոյան Մայր Աթոռ վերադարձավ հոգ. տ. Նարեկ վրդ. Շաքարյանը, որը հին տոմարով Զատիկի տոնի առթիւ ուխտի էր գնացել ս. Երուսաղէմ:

Հունիսի 3-ին՝ շաբաթ.—Հոգեւոր ճեմարանում սկսվեցին 1966—1967 ուսումնական տարվա ամսվերջի քննութիւնները, որոնք տեւելու են մինչև հունիսի 14-ը:

Հունիսի 10-ին՝ շաբաթ.—«Գիւտ նշխարաց սրբոյն Գրիգորի Լուսաւորչին մերոյ»։ Մայր տաճարում պատարագեց արժ. տ. Մկրտիչ քհն. Մկրտչյանը:

Հունիսի 11-ին՝ կիրակի.—Մայր տաճարում ս. պատարագ մատուցեց հոգ. տ. Ներսես Ժ. վրդ. Պողոսպալյանը և քարոզեց «Լեւրինք ամենայն այսօր ցնծացէր ընդ մեծապայծառ փառան Սեպուհոյ գերազանց լեւրին» բնարանով:

Ս. պատարագին ներկա էր մեծ թվով ուխտավորութիւն ԱՄՆ-ից և Սուդանից:

Ս. պատարագին ներկա էր նաև վեհափառ Հայրապետը:

Հավարտ ս. պատարագի կատարվեց հոգե-հանգստեան արարողութիւն՝ վեհափառ Հայրապետի հանդիսադրութեամբ, բանաստեղծ Նզվարդ Գուլանճյանի մահվան 10-րդ տարեդարձի առթիւ, ինչպես նաև նրա բարեպաշտ կնոջ՝ Ազրիսիկի և վաղամեռիկ որդու Մանուելի հիշատակին:

Հունիսի 12-ին՝ երկուշաբթի.—Այսօր առավոտյան ժամը 11.40-ին Մոսկվա մեկնեց բուլղարահայ թեմական խորհրդի ատենապետ Օննիկ Ասլանյանը, որն ուխտավորաբար Մայր Աթոռում էր գտնվում հունիսի 2-ից:

